



TUSAGASSIORFINNUT NALUNAARUT

Nuummi, maajip aqqaneq-aappaanni 2016

Allattaasitaaq 43-liivoq

Allattaasitoqaq

1973 sioqqullugu allattaaseq taasarpaput *allattaasitoqaq*. Kalaallisut allaaseq pisoqaaq 1800-kkut nalaanni Samuel Kleinschmidtimit tyskinit kingoqqisumit nunatsinnili perortumit suliarineqarpoq, oqaatigineqartarpoq 1800-kkut qiteqqunneranni kalaallit amerlanerpaartaat allallutillu atuarsinnaalereersimasut, taamatuttaarlu nunatsinni ataatsimoorussatsinnik assigiimmik allattaaseqarnerput taamanersuarlii# atuutilereersimalluni.

Kleinschmidtip kalaallit oqaasii ilitsoqqussaralugit oqaaserivai, aammali oqaasilerituujugami kalaallit oqaasii naggueqarlutik uiguuteqarsinnaallutik naaneqartarnerat paasisimasaqarfigilluarpai. Samuel Kleinschmidtip allaasiliaa nagguiit, uiguutit, naanerillu katitigaanerannut qanorlu nipitigut pissuseqarnerannut naleqqussagaavoq, taamaammallu taassuminnga atuisinnaasut kukkuneqanngitsumik allassinnaassagunik oqaasilerisinnaanermik annerusumik ilisimasaqartariaqarput piginnaasaqartariaqarlutillu.

Atulertoruminarnerusumik allattaaseqalerusunneq

Allattaasitoqqap pisariuneralu patsisigalugu eqqortumik/kukkuneqanngitsumik allanneq amerlasuut ilikkarsinnaasarsimangilaat, taamaattumik allattaatsimik atulertoruminarnerusumik oqaatsitta allanneqartalernissaat inuit akornanni oqallisigineqarlunilu kissaataalersimavoq, tamannalu tunngavigalugu 1960-ikkunni suleqatigiissitaliortoqarsimavoq allattaaseq pillugu misissuisussanik qulaajaasussanillu; suut allattaasitoqqami allanniarnermi atuarniarnermilu ajornartorsiutaappat aamma oqilisaataasumik periarfissat suuppat?

Nutaamik allattaaseqalerneq

Ajornartorsiutit qulaajagassallu tamaasa isumaliutigereerlugit allattaatsimik nutaamik ilusiliisoqarpoq, tasanilu inerniliunneqartoq tassaavoq nipit isummamik nassataqartut allanngoraataasullu (fonemit) tunngavigalugit allattaaseqalissasoq. Tamatuma inatsisitigut aalajangersarneqarnera ullumikkut ukiut 43-inngortorsiorpoq, allattaasitaaq maajip 14-anni 1973 atuutilersinneqarpoq, pilersaarutaalluni 1973-imi ukiup atuarfiusup aallarnerneranit atulersikkiartuaarneqassasoq, aammali erseqqissaatigineqarluni taamatut inatsisinngortitsinermi allattaasitoqaq atorunnaarsitaanngitsoq, aalajangersarneqarlunili allattaasitaaq pisortatigut ingerlatsinermi atugaalissasoq ilinniartitsissutigineqassorlu.



Oqaasileriffik Sprogsekretariatet

Allattaasitoqqamiit allattaasitaamut nuutsissut

Allattaasitaq ullumikkut kikkunnit tamangajannit atugaalereeraluartoq taamaattoq suli allattaasitoqqamik allassimasut atuarnissaat pisariaqartittarparput, kulturittami ilarujussua allattaasitoqqamik allassimavoq. Maannalu Oqaasileriffiup ineritissimavaa allattaasitoqqamiit allattaasitaamut nuutsissut, allattaasitoqqamik atuarniarnermi tapertatut iluaqutaasinnaasoq aammalu qularnangitsumik allattaasitoqqamik sungiussisimangitsut annertuumik iluaqutigisinnaassaat.

Allattaasitaamut nuutsissut uani atornerqarsinnaavoq:

<http://ogaaserpassualeriffik.org/tools/kleinschmidt/>

Allattaasitaami kukkusarnerit aamma ikilisarnerqarsinnaapput

Naak allattaaserput pisoqaavallaanngikkaluartuq pisariitsunnguugaluartorlu ullumikkut malunnarsiartorpoq kukkunerit ikiliartunngitsut, tamannalu assigiinngitsunik patsiseqartarpoq. Oqaasileriffik qarasaasiakkut ikiuummik ineriartortitsisimavoq, tassa *Kukkunიაat*. Kalaallisut allattaasitaamik allatat sulluunniit qarasaasiami Kukkunიაat atorlugu kukkunerisiornerqarsinnaapput. Kukkunიაat siulleq (version 1) Oqaasileriffimmit suliarineqarluni 2006-imi atulersinneqarpoq, taassumalu toqqammavia ataavartumik iluarsaanneqarlunilu pitsanngorsarneqartuarpoq.

Ullumikkut Kukkunიაat version 3 atorpoq, tassani allassimasut sulluunniit oqaasertaasa 95%-ii Kukkunიაatip ajunngitsumik kukkunerisiorsinnaavai. Kukkunიაat version 3 Windowsimi MSOfficemut, Windows XP Service Pack 3-mut kiisalu LibreOfficeni tamani atornerqarsinnaavoq, nittartakkatsinnilu ugguuna akeqanngitsumik aaneqarsinnaavoq:

<http://beta.oqaasileriffik.gl/oqaasilerissutit/kukkunიაat-uani-aajuk/>

Kukkunიაat kittoraasersuuteqarluni piareeqqasoq pisariaqartikkukku innersuussutigissavarput LibreOffice, MS Microsoftimut assingusoq, taamaattorli open sourceusoq (akeqanngitsumik qarasaasiamut programmusoq) qarasaasiannik aassagit tassuunilu Kukkunიაat kittoraasersuutitaligaareersoq atorlugu.

Kukkunიაatip atulersinniarneranut ajornartorsiuteqaruit qarasaasialerisumut ikiortissarsiorsinnaavutit imaluunniit Oqaasileriffimmut saaffiginninnikkut ilitsersorneqarsinnaassallutit.

Inussiarnersumik inuulluaqqusilluta
Oqaasileriffik

Oqaasileriffik – Sprogsekretariatet

Postboks 980, DK-3900 Nuuk, Kalaallit Nunaat, +299 362320, +299 327342 fax), e-mail: oqaasileriffik@nanoq.gl,
www.oqaasileriffik.gl



Oqaasileriffimmit
paasisutissat

QARASAASIAQ ATORLUGU ALLANNERMI IKIUTIT

Oqaasileriffik - Sprogsekretariatet - Greenland Language Secretariat



KUKKUNIIAAT version 3.0

Kukkuniiatip kalaallisut allattaasitaamik allassimasut suulluunniit oqaasertaasa 95%-ii ajunngitsumik kukkuniarsinnaavai. Kukkuniiat version 3 Windowsimi MSOfficemut, Windows XP Service Pack 3-mut kiisalu LibreOfficeni tamani atorreqarsinnaavoq.

www.beta.oqaasileriffik.gl/oqaasilerissutit/kukkuniiat-uani-aajuk/



KATERSAT

Katersani ujarlernermi kalaallisut, qallunaatut aamma tuluttut oqaasit ataasiakkaat nassaarineqarsinnaapput. Oqaasip ujameqartup sorpiaanera aammalu qanoq qallunaatut tuluttulluunniit taaguutaa takuneqarsinnaavoq, taamaattumillu una immikkoortoq aamma ordbogitit pissuseqarluni.

www.oqaasypassualeriffik.org/tools/katersat/

ALLATTAASITAAMUT NUUTSISSUT

Allattaasitoqaaq atuassallugu ajornakusoortittarpluk? Taamaappat una allattaasitoqqamiit allattaasitaamut nuutsissut iluaqutigilluarsinnaavat. Allattaasitoqqami allassimasut allattaasitaamut nuutsissinnaavatit una iserfigalugu:

www.oqaasypassualeriffik.org/tools/kleinschmidt/



ATUFFAT

Atuffassissut Martha uani atorsinnaavat. Allagaq quppernerup affaanik takissusilik tamaat ikkunneqarsinnaavoq, tassanngaaniilli takinerusumik atuaatitsiniaruit atuffat qarasaasiannut mobilinnulluunniit ikkuteqqaassavat una aqutigalugu <http://sensus.dk/tts-martha>

www.beta.oqaasileriffik.gl/oqaasilerissutit/martha/

Facebookikkut quppernitsinni una alakkarneqarsinnaavoq, quppernerput ateqarpoq: Oqaasileriffik – Greenland Language Secretariat

Oqaasileriffik – Sprogsekretariatet

Postboks 980, DK-3900 Nuuk, Kalaallit Nunaat, +299 362320, +299 327342 fax), e-mail: oqaasileriffik@nanoq.gl, www.oqaasileriffik.gl